



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-245-6/22

Datum: 12.07.2022. godine

„Agencija za vodno područje rijeke Save“ Sarajevo, rješavajući po zahtjevu JKP „Bioštica“ d.o.o. Olovo za izdavanje vodne dozvole za zahvat vode sa na izvoru „Zeleni vir“ u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Olovo, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola podnosiocu zahtjeva JKP „Bioštica“ d.o.o. Olovo za aktivnosti na zahvatanju vode sa izvorišta „Zeleni vir“ u količini od cca 49 l/s u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Olovo.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz sljedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem mjerača protoka koji su ugrađeni u pumparnicu vodozahvata „Zeleni vir“: tip DN 150,03 150 m³/h, serijski broj: 095485 i (rezervni) tip DN 80,Q3 63 m³/h, serijski broj: 099219. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenih mjernih uređaja za evidentiranje zahvaćenih količina vode i na objektima transportnog sistema (pumpe, vodomjeri, zatvarači itd.), odnosno ishodovati certifikat o verifikaciji mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode kloriranjem kao i kontrola rezidualnog klora u gradskoj-distributivnoj mreži, a u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.

2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.

2.9. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove propisane važećim Pravilnikom o zdravstvenoj ispravnosti vode za piće, vodovodni sistem treba da se isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.

2.10. Da se u vrijeme trajanja ove vodne dozvole kod nadležnih općinskih organa pokrene aktivnosti u cilju donošenja odluke o proglašenju zaštitnih zona ovog izvorišta u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12).

2.11. Ogradu i ograđeni prostor oko vodocrpilištu „Zeleni vir“, općina Olovo potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.

5. Ukoliko prilikom upotrebe vodozahvatnog objekta koji je obuhvaćen ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.

6. U ovoj upravnoj stvari plaćene su sve upravne pristojbe.

7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od dana pravosnažnosti ovog rješenja.

8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.

9. Za izgradnju novih ili rekonstrukciju ili uklanjanje postojećih objekata te promjenu uslova zahvatanja vode na vodocrpilištu „Zeleni vir“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).

10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

JKP „Bioštica“ d.o.o. Olovo obratio se ovoj Agenciji sa zahtjevom za izdavanje Rješenja o vodnoj dozvoli za aktivnosti zahvatanja vode sa izvorišta „Zeleni vir“ u kapacitetu $Q = 49 \text{ l/s}$, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Olovo.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra, broj:043-0-RegZ-22-000389 od 16.02.2022. godine izdat od strane Općinskog suda u Zenici – ovjerena kopija,
- Rješenje o izmjenama podataka, broj:043-0-Reg-13-001267 od 28.11.2013. godine izdato od strane Općinskog suda u Zenici – ovjerena kopija,
- Obavještenje o razvrstavanju pravnog lica prema klasifikaciji djelatnosti, broj:17-32.5-77398/13 izdato od strane Službe za statistiku za područje Zeničko-dobojskog kantona – ovjerena kopija,
- Uvjerjenje o poreznoj registraciji od 02.12.2013. godine izdato od strane Kantonalnog poreznog ureda u Zenici – ovjerena kopija,
- Kopija lične karte na ime Kasim Kljajić izdate od strane MUP-a Zeničko-dobojskog kantona – ovjerena kopija,
- Uvjerjenje o ispravnosti vodomjera br. 6/20 izdat od strane J.P. „Vodovod i kanalizacija“ d.o.o. Zenica dana 19.02.2020. godine – kopija,
- Certifikat o verifikaciji, broj: 05.1-46-6-368-3/19 od 10.02.2020. za vodomjer tip DN 150,03 150 m³/h, serijski broj: 095485 izdat od strane Instituta za mjeriteljstvo Bosne i Hercegovine – kopija,
- Certifikat o verifikaciji, broj: 05.1-46-6-368-2/19 od 10.02.2020. za vodomjer tip DN 80,Q3 63 m³/h, serijski broj: 099219 izdat od strane Instituta za mjeriteljstvo Bosne i Hercegovine – kopija,
- Zemljišnoknjižni izvadak, Katastarska općina Olovo, broj:041-0-NAR-17-005 821, Zemljišnoknjižni uložak broj: 296 izdat od strane Općinskog suda u Visokom – kopija,
- Rešenje o vodnoj dozvoli, broj: UP-I/25-3-40-256-6/17 od 30.05.2017. godine, izdato od strane Agencije za vodno područje rijeke Save Sarajevo, kopija;
- Izvještaj o ispitivanju vode za piće, broj: MV-1146/22 od 13.06.2022. godine urađen od strane Instituta za zdravlje i sigurnost hrane Zenica – kopija,
- Izvještaj o ispitivanju vode za piće, broj:HM-640/22 od 14.04.2022. godine urađen od strane Instituta za zdravlje i sigurnost hrane Zenica – kopija,
- Izvještaj o ispitivanju vode za piće, broj:HM-290/22 od 15.02.2022. godine urađen od strane Instituta za zdravlje i sigurnost hrane Zenica – kopija,
- Izvještaj o ispitivanju vode za piće, broj:HM-1453/21 od 22.09.2021. godine urađen od strane Instituta za zdravlje i sigurnost hrane Zenica – kopija,
- Izvještaj o ispitivanju vode za piće, broj:HM-1153/21 od 03.08.2021. godine urađen od strane Instituta za zdravlje i sigurnost hrane Zenica – kopija,
- Dokaz o uplaćenju federalnoj upravnoj pristojbi na zahtjev

B- Tehnička dokumentacija

- Elaborat o utvrđivanju zona sanitarne zaštite izvorišta Zeleni vir u Olovu urađen od strane „Inpros“ d.o.o. Mostar, septembar 2021. godine, broj: ZIV 01-09/21
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je uviđaj na terenu i tom prilikom sačinjen Zapisnik o izvršenom uviđaju broj: UP-1/21-3-40-245-4/22 od 22.06.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Općina Olovo se vodom snabdijeva sa izvorišta „Zeleni vir“ sa kapacitetom od oko Q=49 l/s, što je dovoljno za pokrivanje potreba za vodom konzumnog područja koje pokriva JKP „Bioštica“ d.o.o. Izvorište „Zeleni vir“ je udaljeno oko 2,5 km od centra Olova i izgrađeno je 1956. godine.

- Izvorište „Zeleni vir“ ističe iz krečnjaka srednjeg trijasa (T₃). Izvor je kraški, kontakti, uzlazni, pukotinski i koncentrisanog mjesta isticanja. Pojava je predisponirana kontaktom propusnih krečanjaka gornjeg trijasa i nepropusnih stijena dijabaz-rožnjačke formacije.

Krečnjaci su masivini, mjestimično bankoviti, bijele boje. Izvor se pojavljuje iz pećinskog kanala, širine do cca 3 metra, visine do 5 m i dubine cca 200 metara.

➤ Izvor je kaptiranim kaptažnim objektom i betonskim pregradnim profilom širine cca 1,5 m, visine cca 3,0 m. Minimalna izdašnost izvorišta iznosi cca 60l/s. Uvidom na licu mjesta utvrđeno je da nije zahvaćena cjelokupna količina vode. Ispod kaptažnog objekta se pojavljuju gubici reda veličine < 20 l/s. Za potrebe vodosnabdijevanja naselja u Olovu zahvaćeno je 49 l/s vode.

Izvorište Zeleni vir je ograđeno betonskim stubićima visine 1,7 m i okruženo bodljikavom ogradom u I zoni sanitarne zaštite izvorišta. U sklopu prve zaštitne zone instaliran je videonadzor.

➤ Zahvaćena voda iz izvora se pumpa u centralni rezervoar zapremine $2 \times 100 \text{ m}^3$ i $1 \times 100 \text{ m}^3$. Dužina tlačnog cjevovoda iznosi 2.150,00m^l. Iz rezervoara se voda upušta u distributivnu mrežu Olova i odvodi u rezarvoar Gornje Olovo zapremine ($V=2 \times 50 \text{ m}^3$) i Zagrađe (jedan rezervoar zapremine $V=2 \times 50 \text{ m}^3$ i jedan rezervoar zapremine $V=50 \text{ m}^3$ i $V=1 \times 20 \text{ m}^3$). Iz rezervoara voda se distribuira gravitaciono.

➤ Dezinfekcija vode se vrši u rezervoarima, a za dezinfekciju koristi se klor dioksid. Skladištenje klor dioksida se vrši u pumparnici „Zeleni vir“.

➤ Nema preciznih podataka o gubicima vode u distributivnoj mreži, ali se procjenjuje da oni iznose oko 60 % od ukupno zahvaćenih količina. Snabdijevanje vodom krajnjih potrošača je uglavnom redovno i bez većih prekida.

➤ Procjenjuje se da se putem ovog vodovodnog sistema vodom snabdijeva oko 3100 potrošača. Zapremina rezervorskog prostora je dovoljna za pokrivanje izravnjanja varijacija u potrošnji i obezbjeđenje sigurnosti u pogonu, tako da ne dolazi do redukcija u vodosnabdijevanju.

➤ Registrirani su potencijalni zagađivači koji mogu narušiti režim i kvalitetu podzemne voda ovog izvorišta: rudnik ceruzita, saobraćajna infrastruktura, otpadne vode seoskih domaćinstava i poljoprivredna proizvodnja. Nelegalna sječa šume je kontinuiran problem.

➤ U skladu sa zahtjevima iz Rješenja o vodnoj dozvoli JKP „Bioštica“ d.o.o. Olovo je u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12) pokrenulo aktivnosti i izrađen je Elaborat o određivanju zona sanitarne zaštite za izvorište „Zeleni vir“ kao osnove za donošenje Odluke o proglašenju zaštitnih zona ovog izvorišta. U toku su aktivnosti na reviziji Elaborata.

➤ U prethodnom periodu, od izdavanja rješenja o vodnoj dozvoli broj: UP-I/25-3-40-256-6/17 od 30.05.2017. godine pravno lice nije vršilo dogradnju i/ili izmjenu sistema na zahvatanju i distribuciji pitke podzemne vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Olovo, a koji su priključeni na sistem kojim upravlja JKP "Bioštica" d.o.o. Olovo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva ovog Rješenja, propisani uslovi u skladu sa Zakonom o vodama, Pravilnikom o sadržaju, obliku i uvjetima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva JKP „Bioštica“ d.o.o. Olovo je dužan da u skladu sa članom 44. Zakona o geološkim istraživanjima Federacije BiH („Službene novine Federacije BiH“ broj 9/10 i 14/10) izradi i dostaviti na reviziju Federalnom ministarstvu energije, rudarstva i industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP „Bioštica“ d.o.o. Olovo ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je

pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP „Bioštica“ d.o.o. Olovo ispunio minimum uslova za izdavanje vodne dozvole za zahvat vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području dijela općine Olovo, te je riješeno kao u dispozitivu ovog rješenja. Podnosilac zahtjeva je uplatio upravnu taksu u iznosu od 70 skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-245-5/22 od 28.06.2022. godine.

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:
mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata



Haris Ališehović, dipl.inž.građ.

Dostaviti:

- JKP „Bioštica“ d.o.o. Olovo
Školska 3, 71340 Olovo,
- AVP Sava, ISV, Vodna knjiga,
- Sektor 50,
- ④ Sektor 40, arhiva,
- Oglasna ploča